

Borjana Krišto uputila je Vijeću ministara BiH i inicijativu za izmjenu Ugovora između Republike Hrvatske i Bosne i Hercegovine koja glasi:

U Ugovoru između Republike Hrvatske i Bosne i Hercegovine o graničnim prijelazima u članu 1.a. utvrđeni su granični prijelazi za međunarodni drumski saobraćaj putnika i robe koja podliježe inspekcijskim kontrolama (Bijača i Gradiška) te članom 1.b. četiri granična prijelaza (Ivanica, Gorica, Izačić i Orašje) za promet robe biljnog porijekla (voće i povrće).

Budući da među tim spomenutim graničnim prijelazima nije granični prijelaz Kamensko, ovim putem pokrećem inicijativu za izmjenu Ugovora u smislu da se granični prijelaz Kamensko svrsta u kategoriju prijelaza koji podrazumijeva promet robe koji zahtijevaju inspekcijski nadzor prilikom uvoza i izvoza robe visoke tarife i biljnog porijekla.

Istovremeno predlažem izmjenu člana 1. tačke e. kojom je određeno da je granični prijelaz Bili Brig – Vaganj prijelaz za pogranični saobraćaj, da se kategorizira u granični prijelaz za međunarodni drumski saobraćaj putnika ili u kategoriju ostali granični prijelazi za međunarodni saobraćaj putnika i robe.